

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Ukiut tallimat kingulliit meeqqat nunatsinni angerlarsimaffiup avataani inissinneqarsimasut qassiuppat? Kommunikkaarlugit kisitsit perusunneqarput.
2. Ukiumut katillugu meeraq ataaseq angerlarsimaffiup avataanut inissitaq qanoq naleqarpa?
3. Inissiineq pisariaqalersimappat peqqutit assigiinngitsut suuppat?
4. Angerlartinneqariaannartut nalilikkat qassiuppat?
5. Angerlarsimaffiup avataani inissiinermi meeqqap kissaatai tusaaneqartarpa?
 - a. taamaanngippat, kina tusaaneqarnerusarpa?
6. Angajoqqaanut iliuuserineqartartut suuppat taamaalilluni meeqqatik utertissinnaaniassagamikkit?
 - a. Angajoqqaanut iliutsit pisortanut qanoq aningaasartuutaatigisarpap?
7. Meeqqat angajoqqaaminnut utertitsiniarnerannut aqqutit suuppat qanorlu sivilutigisarpa?
8. Angerlarsimaffiup avataanut inissitaq angajoqqaaminut angerlartinna inuiaqatigiinnut allaffissornikkullu allatigullu aningaasartuutit qassiusarpap?
9. Inissiiniarnermi sooruna ilaqtut qaninnerit inissiffigineqarneq ajortut?

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Ullutsinni nunatsinni meeqqat angerlarsimaffiup avataanut inissitat ikigisassaanngitsut tusartuarpagut. Taakkunanilu soorunami illersorneqarnissaat pillugu pinngitsoorarik angajoqqaaminniit peersinneqartariaqartut soorlu atornerlunneqarsimasut allatulluunniit sakkortuumik iliuuseqarfigineqarsimasut peersitaasimassapput. Kisianniliuna una pineqartoq, paatsoorneqassanngilaq, tassa meeqqat angajoqqaaminniit peersitat ilai ukiorpassuit peersitaasarput ukiorpassuunissaanut pisariaqanngitsumik, taakkuuku asasaminnut asannitsiminnut angerlartitaanissaat ujartoriga, ajornassappallu taakku qanigisaminni soorlu aanaakkut, aataakkut, atsakkut, akkakkut, angakkut, ajakkut ilaqtaminni inissinneqartarnissaat ujartorneqarnerunissaa anguniakkat ilagaat.



Apequtigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.